

Mattup ere ki sirwe Zaɗ yi riije

Eɗ urzi k'ono ɗoɗ kun t'oone adda mattup ettiyo

Ette «mattup ere ki sirwe Zaɗ yi riije». Yi riije a tode «erewo ere Raa yi biire». Wo ki kotto erewo gette i-kaza kane ɗoɗ ogiysito ti suma k'Isa. Zaɗ yi ki dihe y'a ki'n waakite ti sumbiyagan ye, kono deero k'akuuma an gi di'n dabira ye. Y'an di ruute mummino ɗoɗ i ziipe addaɗ a Isa an di geyye tuddaɗ me. Yoɗ y'an di ruute soɗ, an di seeda zakidɗi a zaapu k'addaɗ a Isa gette, wo an koona mentikagi ti ɗuwo ɗoɗ eliyo dooyiso ere ti doolo a ki t'ettiyo ti Rabila Majjaanawa k'Isa ye gettiyo.

Toose ki Zaɗ

¹ Mattup ette i raaniya nuɗ wede dokkiyo, a koɗ erewo ere Raa yi biire* wo soɗ a inɗizɗi ɗoɗ ni giyye t'addo pay. Wo kane i ni giyye nuɗ siidó ɗaɗɗal ye, ɗoɗ pay i suune urzi wede ɗerec geɗ an'ni giyye pây, ² kono ɗerec ki Raa gette ti lekkiyo adda k'addiɗ, wo to t'a lekka ti kine ki daayum. ³ Geɗ beeko, isiyo adde koɗuwo ti toose ki Meega Raa wo ti Isa Almasi Ulo ki Meega, i koona eediɗ. Sulɗi geɗ an in di'n t'elo kono in di lekke ti ɗerec wo ti geyyiso.

Derec ti geyyiso

⁴ Nuɗ ulbo uɗse baadaɗ aame n'illiga inɗizɗi ongo an sooru a urzi wede ɗerec, a urzi k'oogoro wede ki Meegiɗ

* 1:1 1.1 Koɗ erewo ere Raa yi biire: i-kaza ɗoɗ ogiysito ti suma k'Isa a ume soo wo ɗoɗtu an di'n waaku «inɗizɗi», umbo'ɗ i-kaza kine ɗoɗ pay i ziipe addiɗ a Isa.

Raa y'in ruute. ⁵ Wo ankeɗ koɗ erewo no, nuɗ ni di rooto kine in di geyye tuddiɗ. Kane ono ɗoɗ ni raaniya eɗ urzi k'oogoro aware ye, kane miɗ ɗoɗ kun d'illiga t'ume k'eesiyo genno†. ⁶ Wo to geyyiso gette, ti dehu kine in di daane urziyagi k'oogoro Raa yi rootiyo, wo urzi k'oogoro wede kun illiga t'ume k'eesiyo, yi rootiyo'ɗ kun di geyye daayum tuddugun.

Kun koono mentikagi ti ɗoɗ i ti t'isiyo tuddaɗ aa nebiyagi

⁷ Nuɗ n'un rootiyo inkiɗo kono ankenno i uɗɗo ɗoɗ daggiya ɗuwo ɓaadaɗ adda duniya me. Kane geɗ an k'ambu ye Isa Almasi y'iido duniya y'a t'umbe tudde ki wedusu me. Yoɗ wede yi rootiyo inkiɗo geɗ yoɗ wede daggiya ɗuwo, yoɗ wede k'olmidɗe k'Almasi. ⁸ Inkiɗo maɗ kun koono mentikagi, kono naabo ere in isiyo ette i-ki t'engila ki bita ye, wo in aa ziida maɗ in di t'ooney munda wede Raa yi dehu y'in t'eley. ⁹ Wede tuuku yi ki lekkiyo kettiyo a dooyiso ere ki Isa Almasi gi duuye ye, wo yi t'adɗiya ti paate maɗ, yoɗ geɗ ti Raa kettiyo ye. Wo wede yi lekkiyo kettiyo a dooyiso gettiyo maɗ, yoɗ geɗ kettiyo ti Meega Raa wo ti Ulí Isa Almasi. ¹⁰ Aame wede y'iido tuddugun wo yi ki dooyiso aa ere ki Isa ye maɗ, wede geɗ kun yi seeda ye a ɓoygun me, wo toose toɗ kun i ise ye. ¹¹ Derec, wede isiyo toose a yode geɗ, aakede y'a ti gitte kaɗ soo ti yode a naabadi ere oldo y'isiyo gette.

Ono ɗoɗ ki ɗangu

¹² Nuɗ oo d'ede ono ɓaadaɗ n'un di roote miɗ ni ki raane ye, wo nuɗ n'elkiyo di kune n'etta wo in di rootey

† 1:5 1.5 Kun wollo adda mattup ki Zaɗ 13.34; 15.12,17.

bize ti bize kono addiṅ a ôoney t'uṅsuwo. ¹³ Injino maṅ inṅi teemadí ere Raa yi biire[‡] an i-t'ize toose.

[‡] 1:13 1.13 Inṅi teemadí ere Raa yi biire: I-kaza ḍuwo ḍoṅ ogiyo ti suma k'Isa a ume wede Zaṅ ge lekkiyo geṅṅo.

Mattup ki Taasuwa ere Aware

Mukulu: Mattup ki Taasuwa ere Aware (New Testament)

copyright © 2019 Wycliffe Bible Translators, Inc.

Language: (Mukulu)

Contributor: Wycliffe Bible Translators, Inc.

All rights reserved.

2020-11-19

PDF generated using Haiola and XeLaTeX on 14 Jun 2022 from source files dated 13 Jun 2022

523c1c0a-f8ac-5d2f-aebe-7063b0de6b23